

ককশ
গাঙ্গা
শ্রীনিমলচন্দ্র
চট্টোপাধ্যায়

উত্তরাধণ
শাধিনা কঠন

কল্যাণীয়েষু,

তোমার এই কাব্যগ্রন্থখানি পড়ে
অপ্রত্যাশিত আনন্দ অনুভব করলাম।
এর ভাষা এবং এর ভাব মনে কবিযে
দেয় আমাদের কালের সেই সত্যযুগকে
যে যুগে কাব্যভারতীকে ব্যঙ্গ করবার
মতন স্পর্ধা কোথাও ছিল না, যে কালে
আনন্দভোজের সঙ্গে কাকর মিশিয়ে
দেওয়াই বাস্তবতার লক্ষণ বলে গণ্য
হয়নি। ইতি ১৫.৫.১৯৪১

রবীন্দ্রনাথ ঠাকুর

আকাশগঙ্গায় নির্বাচিত কবিতাগুলির রচনা অনুমান ১৩৩৭ থেকে ১৩৪৭ সালের মধ্যে। বইটির সজ্জা বিষয়ে শিল্পাচার্য শ্রদ্ধেয় শ্রীনন্দলাল বসু ও শিল্পীবন্ধু শ্রীবিনোদবিহারী মুখোপাধ্যায়ের সাহায্য চিরকৃতজ্ঞতার সঙ্গে স্বরণীয়। শ্রীমতী মীরা চট্টোপাধ্যায়, শ্রীপুলিনবিহারী সেন ও শ্রীকানাই সামন্তের অক্লান্ত পরিশ্রমস্বীকার গ্রন্থটির প্রকাশ সম্ভব করেছে।

শান্তিনিকেতন

চৈত্র সংক্রান্তি : ১৩৪৭



আকাশগঙ্গা
শ্রীনির্মলচন্দ্র
চট্টোপাধ্যায়

কবিগুরু শ্রীরবীন্দ্রনাথ ঠাকুর
শ্রীচরণেষু

একদা পরম মূল্য জন্মক্ষণ দিয়েছে তোমায়
আগস্ত্যক । রূপের দুর্লভ সত্তা লভিয়া বসেছ
স্বর্ধনক্ষত্রের সাথে । দূর আকাশের ছায়াপথে
যে আলোক আসে নামি ধরণীর শ্রামল ললাটে
সে তোমার চক্ষু চূষি তোমারে বেঁধেছে অক্ষুক্ষণ
সখ্যভোরে ছ্যালোকের সাথে ; দূর যুগান্তর হতে
মহাকাল-যাত্রী মহাবাগী পুণ্য যুহুর্ভেরে তব
শুভক্ষণে দিয়েছে সম্মান ; তোমার সম্মুখ দিকে
আত্মার যাত্রার পন্থ গেছে চলি অনন্তের পানে
সেথা তুমি একা যাত্রী, অফুরন্ত এ মহাবিশ্বয় ॥

—রবীন্দ্রনাথ, প্রাস্তিক

আত্মার অনন্ত সেই যাত্রাপথে, হে মহাএকাকী,
চিরযাত্রী তুমি নিশিদিন,—তুমি পান্থ ক্রান্তিহীন
অমর্ত্য সৌন্দর্যলোকে চিরসুন্দরের ; চলিয়াছ
বিচিত্ররূপিণী যেথা হৃদয়দিগন্তরালে বসি'
নিভৃতে ডাকেন নিত্য মৌনভাবে কোতুকইঙ্গিতে
জীবননিশীথে নভে সপ্তর্ষিসভার যে-আহ্বান
সুগম্ভীর, দীর্ঘ সে-পথের পান্থ চিরসঙ্গীহারা ।
জীবনের প্রাস্তলগ্নে প্রদোষছায়াঙ্ককার হ'তে

মুক্তবন্ধ পথিকের কণ্ঠে এ কী নিরাসক্ত বাণী ।
সুনির্দয় এ সত্যেরে প্রাণপণ ভোলার আগ্রহে
মৌন ম্লান বন্ধে জাগে দীর্ঘশ্বাসব্যথিত কম্পন,
অলক্ষিত অশ্রুবাষ্পে ছনয়ন ওঠে আজি ভরি ।

এ মরজগতে তবু যে-কদিন ধুলার ধরায়
জীবনের পান্থশালে পেতেছ আসনখানি তব
আমরা তোমারে ঘেরি সুদুর্লভ স্নেহসঙ্গটুকু
লুণ্ঠন করেছি নিত্য লুকুচিতে তৃষাতের মতো ।
ধরণীর অবিরাম আতিথ্যের সর্ব আয়োজনে—
পত্রে পুষ্পে তৃণদলে বিচিত্র সৌরভে বর্ণে গানে,
প্রভাতের স্নিগ্ধ লগ্নে আলোকের প্রথম স্পর্শনে,
সন্ধ্যার প্রশান্তি-মাঝে সেই হ'তে রেখেছি মিশায়ে
সকৃতজ্ঞ হৃদয়ের আনন্দউদ্বেল ভালবাসা,
নয়নের অশ্রুহাসি । বসুধার সুধাপাত্র ভরি'
আকণ্ঠ করেছ পান যে-অমৃত স্বপ্নে জাগরণে
প্রতিদিন প্রহরে প্রহরে, প্রেমের ড্রাবকে গালি'
মনের মুকুতাটিরে তারি মাঝে করেছি অর্পণ
একান্ত গোপনে । সাথীহারা, হে পান্থ একাকী,
পৃথিবীর ক্লাস্ত পথে শ্রান্ত যত পথিকের পায়ে
তোমার চরণছন্দ বাজে আজি নবীন উৎসাহে
দৃঢ় পদক্ষেপে । আমরা লয়েছি সবে সঙ্গ তব
অখণ্ড যাত্রার, ইহজীবনের খণ্ডিত সীমায়
অনন্ত-বিশ্বয়মূর্ত মুহূর্তের মহাসন্ধিক্ষণে ।

তপের কঠোর লগ্নে অস্তরের হোমাগ্নিআলোকে
দীপ্ত তব জীবনের সুনিভৃত নিরালা প্রাক্গে
আমরা প্রবেশধন্য শিষ্যদল গুরুর কৃপায় ।
বসেছি সন্ধ্যায় প্রাতে পদপ্রান্তে নিস্তর শ্রদ্ধায়
তপোবনতরুচ্ছায়ে, কভু মুক্ত আকাশের তলে,—
লভিয়াছি দিব্যসঙ্গ ধরিত্রীর এ অন্ধ কারায় ।

হে চিরনিঃসঙ্গ কবি, হে একাকী, তব সঙ্গ স্বরি'
নিত্য নব আকাজ্জায় আজো চিরকৃপণের মতো
জাগি নিষ্পলক নেত্রে । সীমাঘেরা খণ্ডিত প্রাণের
ব্যাকুল বন্ধনে বাঁধি স্বরণের যা কিছু মধুর,
মর্ত্যের মোহিনী মায়া । পশ্চাতের মোহে পলে পলে
সম্মুখপথের পাশ্বে দূর হতে যেন বহুদূরে
হারায়েছি প্রতিদিন ; ব্যবধান বিস্তৃত বিরাট ।
সে-বহুদূরের পাশ্বে দিনান্তের ধূসর মায়ায়
প্রসারি' সুদীর্ঘ ছায়া জীবনের চরম লগনে
উর্ধ্বাংশে মেলিয়াছে বাহু এ অন্ধকারের পারে
মুগ্ধনেত্রে হেরি' জ্যোতির্ময়ে । পিছনে ডাকি না তারে,
যুক্তকরে তারি সাথে উর্ধ্বপানে মেলি' ছুই বাহু
অনন্ত আকাশপটে আঁকিলাম বিমূঢ় প্রণাম ॥

শান্তিনিকেতন

বৈশাখ : ১৩৪৮

আকাশগঙ্গা

পরিচয়

কী নাম তাহার—

বন্ধু, মোরে শুধায়ো না আর ।

জীবনের পূর্বপ্রান্তে উদয়-অচলে

প্রথম প্রকাশ তার, জানি না কাহার মন্ত্রবলে ।

প্রভাতের সূর্যসম প্রাণ ভরি দীপ্তি দিল আনি,

আর কোনো পরিচয়, ওগো বন্ধু, আজো নাহি জানি ।

হৃদয়ের পুষ্পবনে-বনে

ফুটিল পূজার ফুল সে দিনের সেই শুভক্ষণে ।

বর্ণে বর্ণে রূপে রসে চিত্ত মোর নিত্য দিল ভরি,

সে পরম লগ্নটির আজিকেও স্তব্ধমনে স্মরি ।

এ জীবন ক্ষুদ্র হ'তে পারে,

তবুও কেমনে নিজে তুচ্ছ বলি, মিথ্যা বলি তারে ?

এরি তলে ফল্গুসম প্রাণের অমৃতধারা বহে ;

কী বেদনা, কী আনন্দ কত ছন্দে এরে ঘিরি রাহে ;

আকাশগঙ্গা

জীবনের দিনগুলি মম
কালের মালিকা হ'তে সত্ৰুচ্যুত পুষ্পরাশি-সম
একে একে ঝ'রে যায়, কোথা নাহি জানি,
মনে তবু এ কথাটি সত্য বলি মানি—
প্রাণের শোণিতে যাহা, প্রেমে যাহা পূর্ণ ক'রে দিছু,
বিপুল বেদনারসে সিক্ত করি নিজ হাতে নিঃশেষে অর্পিছু,
চিরমৃত্যু তার তরে নহে ;
মহান কালের বক্ষে দেখার অতীত রূপে নিত্য হ'য়ে রহে ।
ফাল্গুনের ফুলবনে আজিকার প্রাতে
যে পুষ্প পথের প্রান্তে ঝরিয়া মিশিল ধূলিসাথে,
বর্ষ-পরে তারি রসে সঞ্জীবিত হ'য়ে
জীবনের বার্তা আনে নবানুর নবপ্রাণ ল'য়ে ।
এ নহিলে ব্যর্থ হ'ত সুন্দরের লীলা ;
শুকায়ে মরুভূ হ'ত ধরিত্রীর শ্রোত অন্তঃশীলা ।

চলেছি জীবনপথে কভু মন্দগতি,
কখনো প্রবল বেগে ছুটে চলি, নাহিক বিরতি ।
শারদ প্রভাতে হেরি ধাত্মক্ষেত্রে শ্যামলের মায়া,
ঝঙ্কারময়ী বর্ষারাতে ঘন মেঘে ঢাকে কালো ছায়া,
কভু ফিরি দূরে দূরান্তরে,
কখনো ঘুরিয়া মরি নগরীর রাজপথ-'পরে ;

আকাশগঙ্গা

বিচিত্র এ ভুবনের গুঢ় অন্তরালে
আমার প্রাণের দেবী কী আদরে আপনার দীপশিখা জ্বলে ।
তাহারি পরশে জাগি নূতন চেতনে,
বিফলে ঘুরিয়া মরা সাজ্জ হয় সেই শুভক্ষণে ।
চিত্তলোকে কী উৎসব চলে,
মহলে মহলে তার শত দীপ মালা হ'য়ে জ্বলে ।
কে কবে কী নাম দিল, না শুধানু তা'রে ;
আলোকরূপিণী নারী, তাহারে রাখিনু বাঁধি সঙ্গীতের হারে ।
অন্তরের দীপ্ত শিখা একমাত্র পরিচয় যার,
হে বন্ধু, আরতি তারি নিত্য চলে এ বক্ষে আমার ॥

অনামিকা

পুষ্পের মতো সৌরভ বুকে গোপনে দিয়া
দূরে যে রছিল, সেই তো আমার হৃদয়প্রিয়া ।
নিখিলের নীল গুণ্ঠনতলে গোপন সুরে
চিত্তহরণ বাঁশরীর সুর নীরবে বুঝে ;
তারি উদ্দেশে জীবনপথের পথিক আমি,
পলকবিহীন জাগিছু দীর্ঘ দিবসযামী ।
শ্রাবণনিশীথে অভিসার, সে তো তাহারি আশে,
তারে স্মরি' জলে নয়নের মোর ছু'কূল ভাসে ।
কাছে আসি' দূরে দূরে স'রে যাওয়া মধুর অতি,
চপলার মতো চঞ্চল চল-চপল গতি ।

অমরাবাসিনী কায়াহীন নারী, তাহারি তরে
চিত্ত আকুল, পরাণ কী রসরভসে ভরে ।
ফাস্তানে ফুলবনে-বনে যবে কুসুম জাগে,
লাজুক পিকের নয়ন রঙীন প্রণয়রাগে,
পূর্ণিমারাতে হৃদয় স্বপনআবেশে দোলে,
সৃষ্টি তখন গোপনে আপন হৃদয় খোলে ।
আঁকা দেখি সেথা আমারি প্রিয়ার মোহন ছবি ;
সৃজনকর্তা, তাহারি প্রেমে কি তুমিও কবি ?

আকাশগঙ্গা

শতযুগ ধরি' তারি তরে গাঁথ কুসুমমালা,
নিশীথগগনে তারি আরতির প্রদীপ জ্বালা ।

ফিরেছি খুঁজিয়া সে অল্পমারে সকল স্থানে,
তাহারি আভাস পেয়েছি সূর্যতারার গানে ।
শ্রাবণের ঘন-ধারা-বরিষণ-মুখর রাতে,
নিদাঘের খর দ্বিপ্রহরের স্তব্ধতাতে,
তাহারি লাগিয়া ভিখারীর মত মরিষু ঘুরি,
দ্বারে দ্বারে ফিরি হেরিষু কতই শূণ্যপুরী ।
প্রাণহীন পুরী প্রেম দূর হ'তে প্রণাম করি'
বহু যুগ হ'ল আপনি নীরবে গিয়াছে সরি ।
অঞ্জলি মোর ভরিল কেহ বা দয়ার দানে,
হিয়া আপনার বুলাল না কেহ তৃষিত প্রাণে ।

সুদূর গ্রামের তরুছায়াহীন ধূসর মাঠে,
কতু অঁকাবাঁকা জনহীন ক্ষীণ দীর্ঘ বাটে,
শ্রান্ত পথিক—পরাণ আমার—একেলা চলে
উৎসুক দিঠি প্রসারি' সুনীল গগনতলে ।
শীতের ছয়ারে ভীৰু কুন্দের মিনতিসম
মিনতি তাহার আপনি ফুটিছে, হে নিরূপম ।
মনে তার আশা সে কোন্ পরম গোধূলিখনে
চকিতে অতনু তনু ধরি' দূর শ্যামল বনে

আকাশগঙ্গা

দেখা দিবে তারে বিকশিত বনবীথিকাতলে,
ক্লান্ত তৃষিত ছ'নয়ন ভরি তুলিবে জলে ।

দিবাবসানে রক্তিম রাগে অন্তরবি
সুদূর গগনে আঁকে বিদায়ের বিষাদছবি ;
স্নান হ'য়ে আসে দূর দিগন্তে বনের রেখা
তারার আখরে শুরু হয় ধীরে কী লিপি লেখা ।
সে শুভ লগনে ইঞ্জিতে মোরে গোপনে ডাকি'
চিত্তেরে মোর, চিতচোর, অঞ্চলেতে ঢাকি'
পরান ভরিয়া বিতর তোমার প্রসাদকণা,
ধীরে ধীরে খোলো, খোলো গো হৃদয়, হে উন্মনা
হৃদয় আমার বুঝিবে তোমার নীরব ভাষা,
পলকে পূর্ণ হবে জীবনের সকল আশা ॥

প্রাণপ্রদীপ

নামিল সন্ধ্যা ; সূর্য ঢলেছে অস্তাচলে,
শেষ রশ্মিটি রচে মায়াজাল জলে স্থলে ।
সারাদিবসের নীড়হারা পাখী ব্যাকুল টানে
কুলায় খুঁজিয়া ফিরিছে ক্রান্ত কাতর প্রাণে ।
মস্থর বায়ে দূর বন হতে বনাস্তরে
দীর্ঘ নিশাসে জাগে কোন্ ভাষা কাহার তরে ?
ধূসর গগনে সন্ধ্যাতারকা একেলা জাগে—
ক্ষীণ শিখাটুকু কোন্ বধু জ্বলে কী অনুরাগে ;
প্রিয়পথ চাহি' জাগিয়া অমরলোকের দ্বারে,—
ছায়াম্মান তার আনত আনন, চিনি কি তারে ?
সে ভীকু আলোর করুণ আভাস বক্ষে লাগে,
পরান আমার, সেও ভীকু বড়, একেলা জাগে ।

সেদিনও এমনি সন্ধ্যা নেমেছে ধরার 'পরে,
ছিগু বসি মোর দীপালোকহীন আঁধার ঘরে ।
প্রাণের মহলে ছুয়ার রুদ্ধ, নাহিক আলা,
অস্তুরতলে পরমঅসহ দহনজ্বালা ।
ঝিল্লি-ঝাঁঝর-শব্দ-মুখর কাননতলে
মাগিক-সমান হাজার জোনাকি নিভে ও জ্বলে ।

আকাশগঙ্গা

তাহারি আলোকে চিনি' ল'য়ে পথ, মোর অঙ্গনে
নীরবে আসিয়া দাঁড়ালে গোপনে আপন-মনে ।
প্রভাত-কিরণ-পরশ-চকিত কমলসম
শত দল তার বিথারি জাগিল চিত্ত মম ।
ছুটি করে ধরি নিয়েছ নিমেঘে বাহির করি'
বিপুল ভুবনে, মস্ত্রে তোমার, হে অঙ্গরী !
ক্লান্ত পরাণ সযতনে ঢাকি' নীলাঞ্চলে
বসিলে মৌন, বিরাট সঙ্ক্যাগগনতলে ।
ভাষা যত ছিল স্তব্ধ রহিল দৌহার বুকে ;
ভাবনাপীড়িত অবনত শির নিবিড় সুখে
ধরিলে আমার বক্ষে চাপিয়া কত আদরে ;
স্পন্দন তার আঁখি মুদি' গনি পুলকভরে ।

আঁধারে বসিয়া ধরণী কী মহামন্ত্র জপে,
স্তব্ধ বনানী নীরবে নিরত কঠোর তপে ।
মাথার উপরে হোথায় লক্ষ প্রদীপ জ্বালা,
কোথাও দীর্ঘ নিশাস, কোথাও সুখের পালা !
নিতল দীঘির শীতল বক্ষে তারার ছায়া
উর্মির তালে ছলিয়া রচিছে মোহন মায়া ।
দূরে অশথের চিকন পাতার চপলতাতে
সোনালী আলোর ক্ষীণ ধারা যেন নৃত্যে মাতে ;

আকাশগঙ্গা

কোন্ মায়াবিনী যাছুবলে রচে স্বপনপুরী,
পথ সে দেশের কোন্ দিক পানে গিয়াছে ঘুরি ।
এপারে উদার শ্যাম প্রান্তুর আঁধারে ঢাকা,
আকাশের গায়ে দুটি তালতরু রয়েছে আঁকা ।
কত জনমের পরিচয়, কত নিবিড় স্নেহ
দৌহারে বাঁধিয়া রেখেছে নিকটে জানে কি কেহ ?
মূলে মূলে বাঁধা কঠোর গ্রন্থি মাটির তলে,
বাহিরে বাতাসে পাতা নাড়ি' প্রেমপ্রলাপ বলে ।

মোরা দুটি প্রাণী, মোরাও বসেছি নিকটে ঘেঁসে ;
ভাবনা দৌহার পাখা মেলি চলে নিরুদ্দেশে ।
কত অপরূপ, কত বিচিত্র, হিসাব নাহি
মনের গহনে কুসুম ফোটাই সুদূরে চাহি' ।
কভু হতবাক্ অনিমেষ আঁখি মেলিয়া দেখি
স্বরগের শোভা ঢাকিয়া রেখেছে দেবতা, একি,
পল্লবঘন সুনিবিড় তব নয়নপাতে ;
অ-ধর আজি কি ধরা দিল দুটি ক্ষুদ্র হাতে !

আজিও আঁধার নামে ধীরে ধীরে মাঠের 'পরে,
পবনে ব্যাকুল হাহাকার জাগে কাহার তরে ।

আকাশগঙ্গা

শ্রান্ত ধরার বক্ষে শীতল শিশির গলে ;
আসিনু বাহিরে অবারিত নীল আকাশতলে ।
শব্দবিহীন স্তব্ধতা মাঝে দাঁড়ায়ে একা,
সুদূরে নিকটে কোথাও কাহারো নাহিক দেখা ।
ক্লান্ত মনের সাস্থনা কোথা, কোথায় তুমি ?
ধূসর উষর তপ্ত-হিয়ার কাননভূমি ।
কাতর নয়ন তুলিয়া ধরেছি উর্ধ্বপানে,
তারকাআলোকে তব দীপশিখা জ্বালাও প্রাণে ।
গগনে পবনে তোমার স্নেহের পরশখানি
পরম যতনে যাও গো বুলায়ে আজিকে, রানী ।
মোর জীবনের ক্ষীণ দীপ জ্বলে কত না ভয়ে,
তোমার প্রেমের অঞ্চলে ঢাকি' চল গো ল'য়ে ।
থর থর থর কাঁপিছে সদাই, নিবিল বুঝি,
আঁধারে আলোকে সদা মরি তাই তোমারে খুঁজি'

শেষ আরাতি

প্রদীপ হয়েছে জ্বালা ; —

বুঝেছি এবার এসেছে আমার শেষ আরতির পালা ।
দূরে দূরে যত শিমুল-পলাশ-পারুল-শালের বনে
অঞ্জলি ভরি' রাশি-রাশি ফুল ঝরাল কে আনমনে ।
ফাগুন-শেষের বিরহবিধুর মধুপূর্ণিমা রাতি,
বকুলের শাখে পাপিয়া কাঁদেছে খুঁজিয়া আপন সাথী ।
জ্যোৎস্নানিশীথে একা বসে গাঁথি ঝরাকুসুমের মালা
জানি এ-মধুর মাধবীলগনে হ'ল বিদায়ের পালা ।
চরণের তালে ফুল ফোটে যার কী কুসুম দিব তারে,
তবু, ওগো রানী, বাঁধিনু তোমায় ঝরা পুষ্পের হারে ।
জীর্ণকেশর যে ফুলের সাথী হয়েছে পথের ধূলি
গোপনে যতনে অঞ্জলি ভরি' নিলেম তাদের তুলি ;
মালা হ'য়ে যবে ছলিবে তাহারা বক্ষে তোমার, জানি,
স্নান সৌরভে কহিবে নীরবে মোর মর্মের বাণী ।
ক্ষণকাল-তরে দৃষ্টি তোমার রেখো মোর ছ'নয়নে,
পূর্ণিমা-নিশা সার্থক হবে ফাগুন-ফুলবনে ।

আজ্ঞো মনে পড়ে সেদিনের ভোর তরুণীধিকার ছায়ে,
ললাটের 'পরে কুস্তল তব চঞ্চল মৃদুবায়ে ;

আকাশগঙ্গা

সচকিত ছুটি ভীকু নয়নের চেয়ে দেখা ফিরে ফিরে,
জাগিয়া রয়েছে আজো অমলিন মোর স্মরণের তীরে ।
ধরণীর দ্বারে অতিথি তখন কী ঋতু নাহিক মনে,
প্রথম জাগিল ফাস্কুন মম হৃদয়ের ফুলবনে ।
তারপরে গেছে কত না সন্ধ্যা গোপন কথার মতো,
রঙীন প্রভাত, নিশীথ নিবিড়, গোধূলিলগন কত ।
শরৎ গিয়েছে শেফালির বনে আপনার লিপি রেখে,
বরষা রেখেছে কেতকীর বৃকে গোপন বাণীটি ঢেকে ।
আরো কত ঋতু ধরণীর বৃকে আনমনে গেল খেলি,
দেখেছি দুজনে বসি' কাছাকাছি তৃষিত নয়ন মেলি' ।
শত কল্পনা কুসুম-সমান বক্ষে উঠেছে ফুটি,
আজি রজনীতে সকলি তাহার নীরবে পড়িল টুটি ॥

প্রভূষ

একটি নিমেষ এল রজনীর অন্ধ-অবসানে
প্রভূষের প্রথম আভায়,
গাঢ় তমিস্রার স্রোতে শুচিশুভ্র ক্ষুদ্র শেফালিকা
কে বালিকা আদরে ভাসায় ।
প্রশান্ত গগনপ্রান্তে এ নিমেষ নীরব গৌরবে
এল জানি মোরি মুখ চেয়ে,
অঞ্জলি বাড়ায়ে দিহু, গ্রহণ করিহু সযতনে,
তৃপ্ত তনুমন স্পর্শ পেয়ে ।
রক্তধারে তারে তারে বাজিল মধুর রিনি রিনি,
রোমে রোমে মৃদু শিহরণ ;
ভয় ভক্তি ভালবাসা, গোপন আকাঙ্ক্ষা আশা যত
বিমুক্ত, প্রশান্ত এ লগন ।

একাকী জাগিয়া আছি উষার উদার এ লগনে
চেয়ে দূর পূর্ব গগনে ;

আকাশগঙ্গা

প্রভাতের প্রিয়া যেন হিয়া মোর আঁখি-বাতায়নে
নিরুদ্ধ নিঃশ্বাসে কাল গণে ।

শুনিতেনি সবে-জাগা পাখীর প্রথম কলগান
অক্ষুট-জড়িত-সুর-মাখা,

ঈষৎ শিশিরসিক্ত স্নিগ্ধ বায়ু চোখে মুখে বুলে
কুহেলিকোমল লঘুপাখা ।

দেহ লঘুতর মোর বাতাসে কর্পূরসম ভাসে—
মুক্তবাধা প্রাণপ্রস্রবণী,

হৃদয়স্পন্দন-ছন্দ প্রভাতী তারার স্পন্দনেতে
শোনে মাত্র মৃদু প্রতিধ্বনি ।

অনিমেষ এ-নিমেষ গতি নাই, নাই চঞ্চলতা,
ভারমুক্ত মুগ্ধ অবসর,

জলে স্থলে ধরণীর সুবাসিত নব জাগরণে
পূজাধূপ দহে নিরন্তর ।

এ লগনে প্রেম সে তো অস্তরের দেবতার পূজা,
দেহ শুধু প্রদীপআধার,

সুবর্ণবর্ণের শিখা পূজারীর স্পর্শ অপেক্ষিয়া
উর্ধ্বমুখী জলে অনিবার ।

তুমি কি এসেছ পাশে, আভাসে দিয়াছ পরিচয়
প্রিয়া মোর কম্পিত দ্বিধায়—

আকাশগঙ্গা

কোমল কুন্তলস্পর্শে, বিস্মৃত-স্বপ্নের-মোহ-মাখা
জ্ঞানমুখী রজনীগন্ধায় ?
তোমারে পড়ে না মনে ; নির্নিমেষ এ-নয়ন ছুটি
ছুটিয়াছে আলোর সঙ্কানে ;
উষার উদয়পথে উৎসুক হৃদয় তীর্থচারী,
উদাসী সে দূর উর্ধ্বপানে ॥

বসন্তপঞ্চমী

সকোচমন্ডর নবফাল্গুনের বায়
প্রথম প্রেমের মৃদু গুঞ্জরের মতো
সঞ্চরি ফিরিছে ধীরে আজি অবিরত ;
জ্ঞানে না কেমনে মুক্তি দিবে আপনায়
কবোঞ্চ নিশ্বাস তার ছুঁয়ে ছুঁয়ে যায়
শিহরণ তুলি' কিশলয়ভার-নত
দূর বনবীথিদেহে ; বাণী তার যত
মরে দহি কিংশুকের কুসুমশিখায় ।
দীর্ঘ-নিদ্রাঅবসানে ধরণীর বুকে
নয়ন মাজিয়া জাগে নিখিলশোভিকা ;
স্মৃটনউন্মুখ ফুলকলিকার মুখে
তারি অনুরাগরক্ত চুষনের লিখা ।
কুসুমকাননপথে আনমনে ভ্রমি'
উতলা হয়েছে আজি বসন্তপঞ্চমী ॥

নবযৌবনা

কোমল অধরে তব স্পর্শ কামনার
কমনীয়, নয়নের নীলাভ অঞ্জনে
বেদনাআভাস মাখা, নবীন যৌবনে
সহসা স্তম্ভিত যেন জাগর জোয়ার ;
সঘন নিশ্বাসে ভাসে বসন্তসখার
সুরভিত ভস্মরেণু অদৃশ্য-গোপনে ।
ভিতর বাহির ভরি' তোমার ভুবনে
নিয়ত নিগূঢ় কোন্ ভাবনাসঞ্চার !
মনের মধুকবনে বঁধুয়ার তরে
মুকুতার মালা গাঁথা অসমাপ্ত পড়ি'
ক্ষুধা অভিমানভরে ; পত্র-মরমরে
সলাজ হৃদয় আজ ওঠে নাকো নড়ি
যৌবনউদ্বেল তব জীবনে সুন্দরী
বেদনামধুর একী শোভা মরি মরি ॥

ভাষাহারা

‘ভালবাসি, ভালবাসি’—
দূরে যেতে কাছে আসি’
নিরালায় ব’লে চ’লে যাই ।
আসা-যাওয়া শুধু সার,
বলা কি হবে না আর ?
প্রকাশের ভাষা কোথা পাই !
দিনের আকাশে মোর
জাগরণ সুকঠোর,
স্বপনতারকা রূপহারা,
রয়েছে তবুও নাই,
হৃদয়ের ভাষা তাই
দ্বারে দ্বারে মাথা কুটে সারা ।
দিবসের অবসান,—
লক্ষ তারার গান
রাত্রির পুলকিত ভাষা ;
এ হৃদয় উন্মুখ,
সে ভাষার কণাটুক
পেলে পুরে জীবনের আশা ॥

স্বাস্থ্য

ঘন লাল রঙে মগন স্বাস্থ্যগগন,
অনুরাগবাণী বলার এই তো লগন ।
হাতে কোন্ কাজ ?—
রাখ তুলে আজ ;
কাজ নেই নব সাজে ।
হের বিবশ স্বাস্থ্যগগন সূর্যচুম্বনে রাঙা লাজে ।

স্বাস্থ্যপ্রদীপ, স্বাস্থ্যতারকা—ভূজন
মনে মনে করে কোন্ প্রিয়তমে পূজন ?
দূরে কেন, প্রিয়া,
হাতে হাত দিয়া
এস বসি কাছে ঘেঁসে ।
ওগো এখনো উদার গগনে হাজার তারকা ওঠেনি ভেসে ।

আঁধারে ধরণী উদাসী নয়নে তাকায়,
বাতাসের ভীৰু পরানে কাঁপন জাগায় ।
তোমার মনের
প্রতিবিশ্বের
ছবি সেই ধরণীর ;
হেথা আকাশের রাঙা শোণিতে আমার প্রতি শিরা ধমনীর ।

আকাশগঙ্গা

তোমারে ভুলেছি ভিড়েতে হাজার কাজের ;
দিবাবসানে শুভ অবসর সাঁঝের ।
যেন এইবারে
ভুলি আপনারে
একেবারে নিঃশেষে ;
সেই বিস্মরণের বৃকে তুমি জাগো চিরস্মরণের বেশে ।

অস্তুর তব এখনো ভাবনামগন ?
গগনে জেগেছে ছঃসাহসের লগন ।
ঘন নিশ্বাসে
মাটির সুবাসে
ভাসে ধরণীর ভাষা ;
তার দিবসের দূর আকাশেরে সাঁঝে কাছে লভিবার আশা ।

দূরে কেন, সখী ?—এক হ'য়ে মিশে যাবার
অবসর কবে হবে এ-জীবনে আবার ?
ছটি হৃদয়ের
বাসনা তো ঢের
বাসি হ'ল পলে পলে ;
সখী, আজি সন্ধ্যার কামনাটুকুরে ঘিরে রাখ অঞ্চলে ।

আকাশগঙ্গা

হের দূরে গাছ কঙ্কালসার আকার,
ক্ষুধাতুর ক্রুর কালো কালো তারি শাখার
আঙুলের চাপে
থেকে থেকে কাঁপে
আকাশের রাঙা হিয়া ;—
হের অঞ্জলি ভরি' দুঃসাহসী কে আগুন ধরেছে, প্রিয়া !

সূর্য-গলানো গাঢ় লালে লাল গগন ;
অমুরাগবাণী বলার এই তো লগন ।
স্তম্ভ ধরণী
উঠিবে এখনি
লক্ষ আলোকে জেগে ;
সখী, পরাণের লাল পলকে মিলাবে রাত্রির কালো লেগে

শীতসন্ধ্যা

শীতের কুহেলিঘন সন্ধ্যায়
স্বপনের অন্তর্ভবে লভি' তায়
আবেশ নামিল চোখে ;
এই দেহনির্মোকে
ফেলে রেখে ভেসে যেতে মন চায় ।

অশ্রুর অশ্রুত ভাষাতে
বুক বাঁধা সুখহীন আশাতে ;
কিছুতেই বুঝি না যে—
সহসা শীতের সাঁঝে
সে-বাঁধ মিলায় কেন হাওয়াতে ।

চকিতে চমকি' ভাবি,—‘তাই কি !
বারে বারে পথ ভুলে যাই কি ?
বেদনার বুক চিরি'
যাহারে খুঁজিয়া ফিরি
ত্রিভুবনে কোথাও সে নাই কি ?’

আকাশগঙ্গা

ঝাপসা নয়নে দূরে ওঠে চাঁদ,
নেই নব জ্যোৎস্নার মায়াকাঁদ ;
কুন্দকলির হারে
কে আজ সাজাবে তারে—
আদরে ঘোচাবে সব অবসাদ !

হিমেল হাওয়ায় তার কান্না
উছসিত, আর না গো আর না ;
ও-তুই নয়নতলে
বেদনার শোভা ঝলে,
জলে-থলে ফলে শত পান্না ।

আমার বেদনা পেল রূপ কি !
অশ্রুর বাষ্পের ধূপ কি
মোর প্রতি নিশ্বাসে
আকাশে বাতাসে ভাসে ;
মুখর ভাষণ তাই চুপ্ কি !

ফাগুনের ফুলদলে ভুলেছি,
এবার ব্যথার ঢেউয়ে ছলেছি ;

আকাশগঙ্গা

উত্তরী বাতাসের

× বানে ওগো দখিনের

ছুখ আজ নিঃশেষে ভুলেছি ।

পদ্মদীঘির পাড়ে চ'লে যাই ;

জানি জানি, জানি সেথা ফুল নাই ।-

মৃগাল মলিনমুখী,

আমি তার ছুখে ছুখী ;

কামনাকমলে মোর দল নাই ।

চঞ্চল-হিল্লোলহারা, হায়,

নিতল দীঘির জল মুরছায় ;

পাংশু পাতার 'পরে

শীতবায়ু সঞ্চরে,

বুকে কাঁপে হিমকণা লজ্জায় ।

নীরব নিথর এই লগনে

ভুবন মগন মোহস্বপনে ;

তারি সে আবেশ লুটি'

আজি এ-নয়ন ছু'টি

ভোলে পথ চেতনার গহনে ॥

আগুনে পুড়ে লাল

আগুনে পুড়ে লাল যে-দেশে মাটি
✓ধুধু তেপান্তর মাঠ,
ধূসর ধরণীর হৃদয় ফাটি'
রাখেনি সোজা পথঘাট ।

কালির আঁচড়েতে আকাশপটে
তালের ঘন সারি আঁকা,
রুম্ব ঋজু শোভা মানায় বটে
ছধারে যে-উদার ফাঁকা !

কাজলী মেয়ে দূর হাটের পথে
মাঠের বুকে স্মখে চলে,
রঙীন ধূলা উড়ে চায় যে হ'তে
ফাগের গুঁড়া পা'র তলে ।

এদের ভালবাসা সহজ সোজা
পলকে ঝলকিয়া ওঠে,
কথার লতাজালে নহেক বোজা—
পুলকে উথলিয়া ছোটে ।

আকাশগঙ্গা

হাসির রাশি জাগে জোয়ারজলে
তেমনি হাসি জাগে প্রাণে,
গোপন হৃদয়ের গভীর তলে
লুকানো ছল নাহি জানে ।

এদেশে আজো বনে পলাশ ফোটে-
ফাগুনে আগুনের মেলা,
শালের মঞ্জরী মাটিতে লোটে
অঝোর ধারে সারাবেলা ।

দিনের শেষ কাঁপে সুরের রেশে
বেগুর বেদনায় দূরে,
চাঁদিনী রাতি মেতে ওঠে এদেশে
আজিও কামিনীর সুরে ।

মহুয়াবনে সবে মাধবীরাতে,
মধুপসম তৃষা বৃকে,
চাঁদের সুধা আর সুরার সাথে
যামিনী যাপে ঘনসুখে ।

আকাশগঙ্গা

মাতাল-করা তালে মাদল-বোলে
মাতন তুলি' দেহে মনে
বাহুতে বাহু বাঁধি' বঁধুয়া দোলে,
ভুবন দোলে তার সনে ।

বিবশ তনুদেহে বিতথ বেশ—
বিফল তারে টেনে রাখা,
কবরীবন্ধনশিথিল কেশ
জ্যোৎস্নারেণুকণা-মাখা ।

নিম্নীল আঁখি নীল আবেশ লেগে,
কামনা কাঁপে ছুই ঠোঁটে,
পুরুষরমণীর প্রাণের বেগে
প্রমোদরাতি পুরে ওঠে ।

এদেশে মাটি, প্রিয়া, আগুনরাঙা—
আগুনে খাক্ তৃণতরু,
আগুনজ্বালা প্রেম হৃদয়ভাঙা,
তুষার দাহে দেহ মরু ॥

সকলি অমিন্ন ভেল

তোমার সনে
কুসুমবনে
নহে তো মোর দেখা,
হয়নি দেখা
নিরালা অবসরে ।
সন্ধ্যাখনে
আপন-মনে
ছিলে না তুমি একা ;
অনেক ছিল
পূজারী ঘর ভ'রে ।
বিজলীবাতি-
জ্বালানো রাতি
বিলাসে উলসিত,
টাঁদের বাতি
বাহিরে লাজে কাঁদে ;
রসনা চল-
চপল কল-
কাকলিমুখরিত,
প্রাণের কথা
কহিতে সেথা বাধে ।

আকাশগঙ্গা

প্রমোদ যেথা
প্রবল, সেথা
কপট ভালবাসা ;
সহজ প্রেম
শুখায় মরে ক্ষোভে ।
ভুলিছে লাজ
সবার মাঝ,—
ও-রূপ সব-নাশা !—
মাতিছে মোহে
মরণউৎসবে ।

সুহৃদম
তুরঙ্গম
ছরিত বেগে ছোটে,
তড়িৎশিখা
শিহরি' কাঁপে ত্রাসে ;
শিরায় শত-
ধারে শোণিত
কেবল মাথা কোটে,
দেবতা নভে
কুটিল হাসি হাসে ।

আকাশগঙ্গা

রশ্মি তার
রহে না আর
মুঠির বাঁধনেতে,
সকল বাধা
শিথিল হ'য়ে যায় ;
কামনা মম
দস্যুসম
দৃপ্ত ওঠে মেতে,
তৃপ্তি তৃষা
কিছুতে নাহি পায় ।
ছ'বাহু দিয়া
নিঙাড়ি' নিয়া
ও-তনু দেহখানি
গরল সুধা
শুবিয়া করি পান ;
ওষ্ঠাধরে
নয়ন-'পরে
নাগিনী, নাহি জানি,
লোলুপলেহী
কী করে সন্ধান !

আকাশগঙ্গা

সহসা, একী !
চাহিয়া দেখি
চপল আঁথিকোণে
ফল্গুশ্রোতা
বেদনাধারা বয় ;
পলকহারা
নয়নতারা
নীরব নিবেদনে
নিমেষে দিল
নূতন পরিচয় ।
জানিনি মম
অশুভতম
যৌবনের যাগে
জ্বলিছে যবে
কামনা শতশিখা,
তোমার হবি
সঁপিল সবি
অন্ধ অমুরাগে,—
কী পরিহাস
ললাটে ছিল লিখা !

আকাশগঙ্গা

চকিতে মন-
মুকুরে খন-
ছায়ার সম জাগে
নবীন ছবি
সুচিরপুরাতন—
পুরুষকোলে
রমণী দোলে
অনাদি প্রেমরাগে,
দোলায় জাগে
নিখিল ত্রিভুবন ।
সে-মহাদোলে
তুফান তোলে
বধির জলধির
অবধিহীন
অবোধ হৃদিতলে ;
মরমমধু-
পিয়াসী বঁধু
আবেগে অবনীর
বেড়িছে কটি
নিয়ত শতছলে ।

আকাশগঙ্গা

সে-দোলে কেহ
ভুলেছে গেহ,
স্বজনপরিজন,
শান্তিসুখ,
মরণমহাভয় ।
অশ্রুজলে
মুকুতা বলে,
প্রাণের নিবেদন
পলকে সঁপে
সকল সঞ্চয় ।

বিলোল সাঁঝে
বিলাস সাজে
তোমার পরকাশ—
রতির অতি-
নিকট সহচরী ।
বহুর বাহু-
বাঁধন-রাহু-
গ্রাসের অবকাশ
তবু সে-আঁখি
আলোকে তোলে ভরি

আকাশগঙ্গা

প্রমোদছলে

প্রলয়জলে

মথন প্রাণপণে—

‘রমনী দেহে

রমায়ে লভে কেহ ?’

সঘন শ্বাস,

সকল আশ

বিলোপ যবে মনে

মুছালে নিজে

গরলঅবলেহ ।

প্রমোদমেলা

মিটল খেলা

সলিলে ছবি আঁকি’,

দেহের তারে

বিদেহ তান লাগে !

মরণসম

নিবিড় তম

সকলি দিল ঢাকি,

নিবাত-শিখা

চেতনা শুধু জাগে ॥

উষা

শয়নশিথানে নয়ন মেলিয়া হেরি—
বাতায়নপথে আঁধার তরুর শিরে
উষার ঈষৎ কনকআভাস ধীরে
উঠিছে ফুটিয়া, প্রভাতের নাহি দেরি ।
শিশিরসিক্ত ধরার আনন ঘেরি'
সৃষ্টির শোভা যেন সঞ্চরি ফিরে ;
সুপ্তি তাহার স্বপনলোকের তীরে
সন্ধান আজি পেল কোন্ অরূপেরি ।
বামে ফিরি' তব নিমীলিত আঁখিপুটে
আঁকিছু সুধীরে য়ুছ চুস্বনখানি,
সে-প্রেমবারতা অমনি পবনে ছুটে
বিহগকণ্ঠে সংগীত দিল আনি ;
পূর্বঅচলে সোনার কমল ফুটে'
জাগিল আলোর ধ্যানময় মহাবাগী ॥

সেদিন

জীবনের শত কর্মের কোলাহলে
জনশ্রোতে যবে ভাসিবে তরণীখানি
সুদূরের পথে তোমারে ভুলিব, রানী,—
ভাবিতে সে-কথা এখনো নয়ন গলে ।
আবেশউষ্ণ মোর দুই করতলে
প্রসারিত তব স্নেহসুকোমল পাণি
ভরিলাম আজি পরম যতনে আনি'
সারা দিবসের সঞ্চিত ফুলদলে ।
কুসুম শুকালে জানি ভুলে যাবে মোরে,
সন্ধ্যায় প্রাতে বলা মোর কথা যত ;
তোমার চপল প্রেমের কনকডোরে
গাঁথা হবে ফুল নিত্যনূতন কত ।
হয়তো তখনো ছরাশার মায়াঘোরে
আমি খুঁজিতেছি যেদিন হয়েছে গত ॥

অন্তর্লীনা

প্রথম যবে নিকটে এলে প্রিয়া
চাহিয়াছিলু আঁখিতে আঁখি দিয়া ;
ভেবেছি মনে—‘সে জন এ কি ?
নয়ন নাসা তেমনি দেখি !’
শুধাতে নারি, দ্বিধায় কাঁপে হিয়া,
নীরবে চোখে চাহিলু শুধু প্রিয়া ।

সেদিন যবে নিকটে এলে তুমি
সঘন শ্বাসে কাঁপিছে বনভূমি ;—
চকিত ভীকু হরিণীসম
লগন হ’লে দেহেতে মম,
হরিলু ভয় শিরে তোমার চুমি’ ;
সঘন শ্বাসে কাঁপিল বনভূমি ।

যেদিন এলে অতি নিকটে মোর
নিবিড় বাঁধা বাহুতে বাহুডোর,
অধর ছিল অধরে মিশি
তবুও যেন দিবস নিশি
কিসের ভয়ে দোঁহারি চোখে লোর,-
সে দিন তুমি অতি নিকটে মোর ।

আকাশগঙ্গা

এবার তুমি গিয়াছ বহুদূর
ভাবনা যত তোমাতে পরিপূর ;
তেমনি দ্বিধা তেমনি ভয়ে
তোমাতে বুকে চাপিয়া ল'য়ে
কখনো কাঁদি কখনো গাঁথি সুর ;
এবার প্রিয়া গিয়াছ বহুদূর ।

আবার কবে ভুলিব সব ভাষা ;
কাছে পাবার নাহি যে তিল আশা !
যে-তুমি আছ বুকেতে লীন
সে যেন সেই চিরঅচিন,
আভাসে বুঝি তাহার কাঁদা হাসা ;
কাছে পাবার জীবনে নাহি আশা ॥

একদিন

একদিন এসেছিলে নিকটে আমার,
সেদিন দৌঁহায় যেন স্বপন-আবেশে
এক হয়ে মিশেছিলাম ; কত কেঁদে হেসে
কেটেছিল কত দিন ; কত বেদনার
রসঘন অনুভূতি, কত যন্ত্রণার
কেমন সহজে ভাগ কত ভালবেসে
নিয়েছিলাম দুজনায় । আজ অবশেষে
দলিত কুসুমমাত্র জাগে স্মৃতি তার ।
হেমন্তের হিমে হেথা ভরেছে বাতাস,
ঝরঝরো শতদলে শিশির শিহরে ;
দিকে দিকে জাগিতেছে বেদনা-আভাস
ধুমল আকাশে আর পত্র-মরমরে ।
এই পূর্ণ পরিব্যাপ্ত অবসাদ-মাঝে
জানিনা ফিরিছ তুমি কোথা কোন্ সাজে ॥

কবি-প্রণাম

প্রণাম করিতে এসে একী মোহ, একী হ'ল ভুল !
বৈশাখী প্রভাতে ফোটা রৌদ্রবর্ণ ছুটি চাঁপাফুল
চম্পাবর্ণ চরণের একপ্রান্তে নীরবে রাখিতে
বিমূঢ় বিষ্ময়ে হায় কেন দাঁড়ালাম স্তব্ধচিত্তে !
উর্ধ্বপানে অর্ধনেত্র শঙ্কাভরে চকিতে তুলিছু,
কী আবেশে মুহূর্তেকে আপনারে নিঃশেষে তুলিছু
প্রশস্ত প্রশস্ত তব শুভ্রভালে সূর্যালোক ঢালা,
তারি তলে স্নিবিড় ছ'নয়নে দিব্যদীপ্তি জ্বালা ।
সর্ব ক্ষুদ্র তুচ্ছতার উর্ধ্ব রাজে সুমহান ছবি—
বাণীর মন্দিরে তব ধ্যানমূর্তি, তুমি ঋষিকবি ।

তোমার জন্মের এই সুদীর্ঘ সপ্ততিবর্ষ পরে,
শ্রদ্ধা-কৌতূহলে-মেশা খরখর কম্পিত অন্তরে,
স্মরণ করিছু আজি বৈশাখের প্রদীপ্ত প্রভাতে
সে-পরম লগ্নটিরে এলে যবে বাঁশিখানি হাতে
সুরশ্রোতে সিক্ত করি' রসহীন তপ্ত জন্মভূমি ;
খর বৈশাখের রুদ্র তপস্চার পুণ্যফল তুমি ।
সম্পূর্ণ জীবন ভরি' সেই হতে বিচিত্র ভঙ্গীতে
সুন্দরের বন্দনার আয়োজন করেছ সংগীতে ।

আকাশগঙ্গা

বয়সে তরুণ মোরা, আসিয়াছি বহু পরে তব,
বৎসরের ব্যবধান দীর্ঘ তাই পদধূলি লব ।
তবু আজি শুভক্ষণে এ-কথাটি চাহি বলিবারে
এ জীবনে আপনার বন্ধু বলি জেনেছি তোমারে ;
জীর্ণতার আবরণ মুক্ত করি' স্নেহপূর্ণ হাতে
তন্দ্রালস বক্ষ তুমি ভরি দিলে নবীন আশাতে ।
যৌবনের মর্মে তুমি ঢালিয়াছ পারিজাতমধু,
শ্রাবণশর্বরী ভরি' স্বপ্নে জাগ অস্তরের বঁধু ।
তোমার কল্পনা-মাঝে খুঁজে ফিরি প্রাণের সাস্থনা,
তুমি জানো কোন্ মস্ত্রে মুক্তা হয় অশ্রুজলকণা ।
বিশ্বের তমসাঘন বেদনারে বাণী দিলে তুমি,
চরণে প্রগতি-সাথে তোমার দক্ষিণকর চুমি ॥

দিনেন্দ্র-স্মৃতি

সঘন মেঘের স্বনে

বিছ্যতের চমকনে

সবে সুরু বরষা-বোধন ;

কেতকীকদম্ববনে

হের এ ভরা শ্রাবণে

উৎসবের পূর্ণআয়োজন ।

‘নাটের কাণ্ডারী’ আজি

তব পথ চেয়ে আছি,

‘সুরের ভাণ্ডারী’ ধরো সুর ;

আশা ও উদ্বেগ প্রাণে

ধৈর্য আর নাহি মানে,

দেহ মন রসতৃষাতুর ।

অঝোর বাদল-ধারে

বনানীর বীণা-তারে

মল্লার হবে না মর্মরিত ?

গোপন মর্মের তলে

বেদনার ধারাজলে

কোন্ সুর আজি উচ্ছসিত !

আকাশগঙ্গা

নাটমঞ্চে ধরণীর
তুলি' পাট, হে অধীর,
নটেশের আপন অঙ্গনে,
উদার অক্ষয় যেথা
জীবন-উৎসব, সেথা
আহ্বান কি পেলো সংগোপনে ?

শারদ উৎসবে যবে
ছুটির বাঁশরী-রবে
ঘরে মন বাঁধন না মানেন,
কিশোর প্রাণের সাথে
যে-প্রবীণ গানে মাতে
যাছ যার বনপথে টানে,—
এবার ধানের খেতে
শ্যামল অঞ্চল পেতে
কাশের রাশিতে হাসি আঁকি'
অনুন্নয় জাগে যবে,
'সে কোথায় ?'—মোরা সবে,
কী ভাষায় তারে দিব ফাঁকি ?

আকাশগঙ্গা

জ্যোৎস্নারজনীর মায়া

কণ্ঠে তব ধরি' কায়া

ক্লাস্তিহীন রসের প্লাবনে

পূর্ণিমার পাত্র ভরি'

সহস্র ধারায় ঝরি'

তৃপ্ত করে তুচ্ছ অকিঞ্চনে ;

বাসন্তী পূর্ণিমারাতে

শিহরিত মধুবাতে

এবার নিশ্বাস শুধু ফেলা ;

সে কোন্ নূতন দেশে

বুঝি নব পরিবেশে

হ'ল শুরু উৎসবের মেলা !

ফাস্তনের শালবীথি

মঞ্জরিত হয়ে নিতি

ধুলায় পাতিবে পুষ্পাসন ;

পলাশঅশোকশাখে

অনুরাগরক্তরাগে

জাগিবে পুঞ্জিত সস্তাষণ ;—

সে-আনন্দে নিখিলের,

সেই নবফাস্তনের

ললাটে কুঙ্কম দিতে আঁকি ;

আকাশগঙ্গা

হে চির-আনন্দময়,

তোমারে না হ'লে নয়,

ভোলো নিদ্রা, খোলো খোলো আঁখি ।

সুরের ভাণ্ডার খুলি'

কোন্ পথে গেলে ভুলি,

কে ভোলা এমন দিল ডাক !

কাহারে সঁপিতে প্রাণ

কণ্ঠে নিলে শেষ গান,

সে কি সুন্দরের অমুরাগ ?

হে সুরেশ্বর, গেছ চ'লে

জানি সুরসভাতলে,—

নন্দনের আনন্দভবনে ;

প্রাণের ভ্রমর বুকি

এতদিনে পেল খুঁজি'

চিরমধু বাণীপদ্যবনে ॥

গুরুপ্রণাম

প্রভাতরবির পুণ্য আলোর শ্বেতচন্দন মাখিয়া ভালে
মঙ্গলাশিস বহিয়া গোপনে প্রাণের গভীর অন্তরালে
সমাগত শুভবৈশাখ, আজি অতিথি সে তব হৃদয়কূলে ;
দহনক্রান্ত ধরণী তাহারে বরণ করিছে চম্পাফুলে ।

আজি শত কথা কুসুমসমান ফুটিবারে চাহে হৃদয়বনে
তোমার পুষ্পবোধনমন্ত্র সঞ্চার করে। মৌন মনে ।
বাণী নাহি যার অন্তর তার খুলিবে আজি সে কেমন ক'রে ;
হৃদয় আমার ভাষা আপনার তোমারি ছুয়ারে খুঁজিয়া মরে ।

কবিগুরু তব কাব্যের পূজাউৎসব চলে সকল দেশে ;
সপ্তসাগর নৃত্যের তালে ছুলেছে তোমার সুরের রেশে ।
স্বপ্নলোকের বাতী বহিয়া যে-কবি রয়েছে বক্ষে জাগি'
বিশ্বনিখিল করিছে রচন পূজার অর্ঘ্য তাহার লাগি ।

তুমি ঋষি, চিরসত্যদ্রষ্টা, দেবতার বাণী মানবে কহ,
পুণ্য জীবন ভরিয়া অমরলোকের অমিয় ধরায় বহ ;
তপোবনতরুছায়ার নিবিড়ে তোমার ধ্যানের মুরতি রাজে,
বিশ্বহিয়ার বিপুল বেদনা প্রাণের গভীরে নীরবে বাজে ।

আকাশগঙ্গা

তব জীবনের সাধনার পথে মোদের করেছ নিত্যসার্থী ;
পরান মোদের তোমার পরানে অলখসূত্রে লয়েছ গাঁথি ।
মোদের জীবনে জীবন তোমার খুঁজিছে আপন সার্থকতা ;
সুগভীর তব বাণী-সে অমোঘ, নহে নিষ্ফল কথার কথা ।

শালবীথিতলে আলোকছায়ায় আলিপনা আজো হতেছে আঁকা,
আম্রবনের নিবিড় মায়ায় পুরাতন স্নেহ রয়েছে ঢাকা ;
বায়ুহিল্লোলে তরুপল্লবে কলালাপ আজো তেমনি চলে,
আজিও বিরাজে পরমা শান্তি সপ্তপর্ণীতরুর তলে ।

ধূসর মাঠের বক্ষ চিরিয়া রাঙা পথখানি গিয়াছে ঘুরে ;—
সকলে মিলিয়া বলে বার বার তোমরা কেহই নহগো দূরে ।
তোমার স্নেহের পরশমণির পরশ পরানে পেয়েছে যারা
জীবন তাদের বাঁধা যে হেথায়, দূরে যাবে চ'লে কেমনে তারা ।

আজিকার দিন বক্ষে তোমার চিরনূতনের বারতা আনে ;
নবজীবনের অমৃত ছড়ালো অরুণআলোক তোমার প্রাণে ।
আঁকিলেন শুভকামনার টীকা ললাটে প্রাণের দেবতা তব ;—
চলে বৈশাখী তপ্ত পবনে জীবনের অভিষেকোৎসব ॥

চৈত্রশ্রী

অশধশাখে নতুন কচি পাতায়
রূপালী রোদ আলতো পায়ে নামে ;
খামখেয়ালী বাতাস খালি মাতায়
খুশির তালে সবুজ আমে জামে ।

আকাশ আছে হয়তো ফটিক-শাদা—
ঠিকরে পড়ে দিক্বিদিকে আলো,
হঠাৎ কখন লাগিয়ে ধুলোকাদা
ছুঁছুঁ ছেলে মুখ করেছে কালো ।

পাখির সুরে পাগলামি আজ ভরা ;
কাকের গলা তাও কী নতুন লাগে ।
চম্কে শুনি, যায় না মোটে ধরা,
শিস্ জেগেছে চড়ুই-টুনির ডাকে ।

দেবদারুবন হাঙ্কা হাসি জানে
বললে পরে করবে কি বিশ্বাস ?
রেশমী পাতার ওড়না সে-ও টানে ;
গন্ধে ভরা আজ তারো নিশ্বাস ।

আকাশগঙ্গা

ঠেঁতুলতলে টিনের চালাঘরে,—
এমন মায়া স্বপ্নে ভেবেছি কি !
পেঁজা তুলোর মতন আলো ঝরে,
দেয়াল-দাওয়া আলোয় ঝিকিমিকি ।

দৃষ্টি যত ছেলের পালে জুটে'
দীঘির জলে ওই মেতেছে গিয়ে ;
একলা বধু ত্রস্তে ঘাটে উঠে'
ঘট ভ'রে নেয় তরল আলো দিয়ে ।

কাঁচা আলোয় আল্গা মেলে পাখা
চিল ওড়ে দূর মেঘের ফাঁকে ফাঁকে ;
নীল আকাশে শ্যামল আভা মাখা,—
সাগরজলে জলছবি কে আঁকে ।

ঋতুর হারে হারিয়েছে খেই যেন,
খেয়াল কিছুর নেইকো ক'দিন আর ;
বকের-পাখা-হাঙ্কা শরৎ কেন
চৈত্রশেষে আভাস দিল তার ॥

ভাড়াতিয়া গাড়ি

ছোটে ভাড়াগাড়ি— কর্মের ভাঙা রথ,
ধূলিজালে আঁখি আঁধা !
শহরতলীর চির-চেনা রাজপথ
কালনাগপাশে বাঁধা ।

খোঁড়া ঘোড়া ছোটে টগবগে ভাঙা তালে,
চাকার ঘড়্‌ঘড়ানি ;
নড়বড়ে হাড়ে ঝাঁ ঝাঁ রোদ্দুর ঢালে
রুম্ব দিনের গ্লানি ।

স্বীত বর্জিত আবর্জনার সূপ,—
চলে একান্ন ভোজ ।
ক্ষুধাজর্জর হিংস্র চকিত রূপ,
প্রাণকণা করে খোঁজ ।

পাঁজরের ফাঁকে বিষনিশ্বাস জমা
আন্ধ্রপে চেপে রাখে ;
সর্পিল কালো বিষাক্ত নর্দমা
ফুঁসে ওঠে পাকে পাকে ।

আকাশগঙ্গা

খাঁ খাঁ রোদুর, উপজীব্যের তাড়া,
ভাড়াটিয়া গাড়ি ছোটে ।
জীর্ণ পথের রুঢ় হাড়ে তারি সাড়া,
তবু তাড়া নেই মোটে ।

নর্দমা-ঘেরা জীবনের ভাঙা পথ—
চির-নাগপাশে বাঁধা ;
বিষনিশ্বাস, কর্মপঙ্কু রথ,
মর্মের আঁখি আঁধা ॥

অবসর

শ্রাবণশেষের ছপূরের মায়া—
আধো রোদ আর আধো মেঘছায়া
ঢেলেছে আবেশ সকল অঙ্গে মনে ;

কর্মের বেগে নহে চঞ্চল,
ভরা অবসরে করে টলমল
কালের পেয়লা আজি এই সুলগনে ।

কাননে সুপারি-নারিকেলবনে
অলস বাতাস কাঁপে খনে খনে,
ঘুমন্ত রোদ সহসা শিহরি ওঠে ;

চামর-দোলানো শ্যামল পাতায়
আলাপ প্রলাপ এলোমেলো ধায়,
নিমেঘে আবার ভাষা মোটে নাহি জোটে ।

আকাশগঙ্গা

নিতল দীঘির স্থির নীল জলে
গাঢ় নয়নের বেদনা উছলে,
কানায় কানায় অশ্রুর কানাকানি ;

প্রতিবেশীদের পোষা হাঁস ছুটি
সেথা আনমনে ডানা খুঁটি' খুঁটি'
ছ'চোখে নিমীল নিদ্রা এনেছে টানি

দূরে কোথা কোন্ ছোট কারখানা,
লোহা পেটে কুলি, তারি একটানা
ক্রান্ত আঘাত শান্তি মোটে না জানে ;

ভাঙা-গলা কাক চিলের চিকন
কণ্ঠের স্বরে মিলি' অনুখন
বিধুর বাতাসে ঘন অবসাদ হানে ।

ছপুরের এই স্তব্ধ ধূ-ধূ'র
বুকে কাঁপে সুর কাতর ঘুঘুর
পুকুরপাড়ের ঘন বেণুবনছায়ে ;

আকাশগঙ্গা

তারি পাশে বাঁকা অশথের শাখে,
পোড়ো বাড়িটার ফাটলের ফাঁকে,
ছপুরের রোদ নেমেছে ক্রান্ত পায়ে ।

ছায়াআলোকের এই রূপা সোনা,
এরি সরু ডোরে মায়াজাল বোনা—
মধ্যদিনের মায়ামরীচিকা-খেলা ;

নাহি আলাপন মুখর ভাষণ,
একা উদাসীন মন উন্মন,
আলসবিলাসে কাটাই বিজন বেলা ॥

স্বাষ্ট্র গান

আমেরিকান নিগ্রোকবি জোসেফ্‌ এস্‌. কটার, জুনিয়ার ।
১৮৯৫-১৯১৯ খৃষ্টাব্দ ।

এই পৃথিবী মাটির মাদল এষে
সৃষ্টিধারার আঘাত ধরে বুকে ;
ছন্দে বাজে— অক্ষুট মর্মরে,
প্রবল কভু প্রচণ্ড কৌতুকে ।

সূক্ষ্ম, সরল রূপার কাঠির ঘায়ে
সৃষ্টিপ্রাচীন মাদল পেল ভাষা ;
উষ্ণ-নিশাসম্পন্দে জাগে বুকে
নৃত্যচপল নূতন প্রাণের আশা ।

ঘুমভাঙা তান ঘুমন্ত পৃথীর,
বাসস্তিকার স্বপ্নসবুজ সুর ;
অঙ্গে মনে তীব্রশিহর তারি,
পুলকে তার জগৎ পরিপুর ।

তরল, সরল রূপার কাঠির ঘায়ে
অন্ধতালে একটানা তান বাজে—
সৃষ্টিপারের ডাকছে বাজিকর
প্রাণের শোভায় ধরিত্রী তাই সাজে

শৃঙ্খল

ইতালীয় শিল্পী মাইকল্ অ্যান্‌জিলোর সনেটগুচ্ছের একটি
১৪৭৪-১৫৬৪

অসহ্য কামনা কভু লাঘব করিতে চাহিব না
আরো অশ্রু, দিয়ে আরো বাষ্পময়ী বাণী বেদনার,
সুদূরে নিকটে কোথা চিহ্ন নাহি স্বর্গসাস্থনার,
আত্মারে অনলে ঘেরি' প্রেম শুধু হানিছে যন্ত্রণা ।
ব্যথাতুর হিয়া, তোর এ কী নিত্য মৃত্যুর প্রার্থনা ।
মৃত্যু, অনিবার্য্য সে তো ! এ জীবনে বরং আমার
মরণ মধুর অতি,—দংশন ক্ষণিকমাত্র তার,
নির্বাচিত উৎসবাস্তে অনির্বাণ অনন্ত বেদনা ।

প্রতিরোধ ব্যর্থ জানি । ব্যথা তাই বহি দ্বারে দ্বারে,
হৃদয় করিয়া জয় বক্ষে মোর কে লবে আসন
সুখে দুখে অবিরাম মালা গাঁথি' হাসিঅশ্রুধারে ?
শৃঙ্খলবন্ধন বিনা এ সংসারে প্রেম দুঃস্বপন,
নিষ্ফল বিশ্বয়ে তাই সর্বরিক্ত নিঃসঙ্গ আঁধারে
আমি সে বীরের বন্দী, শৃঙ্খলিত যুগল চরণ ॥

আগমন

ইংরাজ কবি হার্বার্ট ড্রেঞ্চ ।

১৮৬৫-১৯২৩ খৃষ্টাব্দ ।

গোলাপকাননে ছুপুর-রৌদ্র
সে তখন নাহি আসে,
প্রথর আলোকে উজল যখন বেলা ;
সে আসে না কভু অন্তরতলে
শান্তির নিশ্বাসে
সাক্ষ না হ'লে সব কাজ সব খেলা ।

গিরিশিরে যবে আঁধার ঘনায়,
কলরোল গস্তীর
ভেসে আসে যবে সুদূর সাগর হ'তে,
তারার আলোকে, প্রদীপশিখায়,—
গতি তার অতি ধীর,
সে আসে গোপনে স্বপন-আলোকপথে ॥

সূচী

প্রণাম
পরিচয়	...	১
অনামিকা	...	৪
প্রাণপ্রদীপ	...	৭
শেষ আরতি	...	১১
প্রত্যাষ	...	১৩
বসন্তপঞ্চমী	...	১৬
নবযৌবনা	...	১৭
ভাষাহারা	...	১৮
রাগসঙ্ক্যা	...	১৯
শীতসঙ্ক্যা	...	২২
আগুনে পুড়ে লাল	...	২৫
সকলি অমিয় ভেল	...	২৮
উষা	...	৩৫
সেদিন	...	৩৬
অন্তর্লীনা	...	৩৭
একদা	...	৩৯
কবি-প্রণাম	...	৪০
দিনেন্দ্র-স্মৃতি	...	৪২

গুরুপ্রণাম	...	৪৬
চৈত্রশ্রী	...	৪৮
ভাড়াটিয়া গাড়ি	...	৫০
অবসর	...	৫২
বৃষ্টির গান	...	৫৫
শৃঙ্খল	...	৫৬
আগমন	...	৫৭



